



## **Universitätsbibliothek Paderborn**

### **Historiae Ecclesiasticae Pars ...**

Historiae Ecclesiasticae Pars Tertia, Qva Continentvr Hermiae Sozomeni  
Salaminij lib. 9. Euagrij Scholastici Epiphanensis lib. 6

**Christopherson, John**

**[Köln], 1569**

Quòd legem tulit Constantinus qua profeßis virginitatem, Ius condendi  
testamentum conceßit, clericis verò contributionum immunitatem. Capvt  
IX.

**urn:nbn:de:hbz:466:1-12718**

ad rem diuinam faciendam designatos. Legem etiam tulit, ut tum die dominico (quem Hebræi appellant primum diē hebdomadæ, Græci autem solis nomine nuncupant) tum die Veneris omnes à iudicijs dandis, & alijs obeundis negotijs vacarent, precibusque & obtestationibus deum cole rent. Diem autem Dominicum veneratus est vtpote in quo Christus resurrexerit à mortuis: diem vero Veneris, vtpote in quo cruci suffixus fuerit. Nam sanctæ cruci plurimū tribuit honoris, tum propter subsidia in bello cōtra hostes gerendo ex eius virtute sibi allata, tum propter diuinā sibi de ea oblatam visionem. Postremo supplicium crucis à Romanis olim malefiscis decretum, lege sustulit: quinetiam suam imaginem, seu in numis expressam, seu depictam in tabulis, iussit semper hoc quoque diuino signo inscribi consignariq;. Cuius rei etiam adhuc testimonio sunt imagines eius hac figuræ descriptæ. Et quanquam in omnibus rebus, quas moliebatur, diuinum cultum impensè curabat, in legibus tamen condendis vel maximè. Qua causa inductus, inteperantes & libidinosos concubitus antea minimè vetatos coercuit: quemadmodum ex legibus de illis litis, si cui sit curæ istud cognoscere, facile potest intelligi. Mihi enim in præsentia ad illud accuratè persequendum non satis opportunum tempus videtur suppetere. At leges cum ad honorem religionis Christianæ, tum ad eius confirmationem ab eo præter eas, quas iam commemorauimus, promulgatas persensere necesse habeo: quippe cum videantur cum historia ecclesiastica in primis cohærere. Hinc igitur exordium capiam.

*Quod legem tulit Constantinus qua professis virginitatem, Ius condendi testamentum concessit, clericis vero contributionum immunitatem.*

CAPVT IX.

**V**etus erat apud Romanos lex, quæ vetuit cælibes, si annum ætatis vigesimum quintū præteriissent, paribus cum his, qui nuptias contraxissent, priuilegijs fru: iussitque præter alia multa, etiam ut nihil commodi, etiāsi

B 3 genere

## SOZOMENI HISTOR.

genere proximi essent, ex testamento suorum caperent. Quin etiam eos, qui nullos habebant liberos, dimidiata parte bonorum, quae erant reliqua, multauit. Haec lex a veteribus Romanis sancta fuit, eo consilio, ut non urbem Romam solum, verum etiam ceteram suam ditionem hominum multitudine compleverent: quandoquidem haud longo tempore ante legem latam quam plurimos bellis intestinis ac ciui libus amiserant. Quare imperator, cum videret eos, qui & virginitatem excolere, & sine liberis esse propter Dei amorem in animum induxisserent, hac de causa in determinore esse conditione, stultum planè censuit, ut homines suum genus sua ipsorum solitudine ac studio augere conarentur, praesertim cum natura semper secundum diuinam moderationem humano generi tum interitum afferat, tum incrementum. Itaque legem plebi promulgavit, quae iubebat ut tum caelibes, tum liberis carentes, pari iure cum ceteris omnibus fruerentur: imo vero etiam decreuit, ut qui castimoniae & virginitati se consecrassent, privilegio quodam praे ceteris donarentur: deditque tum masculis tum foemini potestatem, etiam si adhuc impuberes essent, testamenta contra consuetudinem communiter in republ. Romana obseruatam, faciendo. Nam illam rectissimam omnium reuera voluntatem censuit, diuinum numen semper colere, & priuum vitae genus exercere. Siquidem ob hanc causam veteres quoq; Romani lege sanciuerunt, ut virgines vestales etiam ad sextum aetatis annum testamentum componerent. Illud porro est planè maximū reuerentia imperatoris erga religionem argumentum, quod Clericos vbiique per legē ob eam rem conditam immunitate donari voluit: quodque illis, qui erant in iudicium vocati, dedit potestate, si modo animum inducerent magistratus ciuiles reiijcere, ad episcoporum iudicium prouocandi: atque eorum sententiā ratam esse, & aliorum iudicium sententijs plus habere authoritatis, tanquam ab ipso imperatore prolatā statuit. Quintam iussit, ut magistratus res iudicatas re ipsa exequentur, militesque eorum voluntati inseruirent: præterea, ut conciliorum decisiones firmae & immutabiles existerent.

Atque mihi in hunc sermonem ingresso operæ pretium videtur, eas quoque leges hoc loco recensere, quae ad utili-

vtilitatem eorum, qui sunt in ecclesiis libertate donati, cōstitutę sunt. Nam cum partim præ exquisita quadam legum obseruatione, partim præ possessoribus, qui inuiti eos dimiserunt, permagna esset difficultas in maiore libertate acquirenda, quam Romani, ciuitate donari appellant, tres tulit leges, quibus dicreuit, ut omnes qui in ecclesijs essent testimonio Sacerdotū libertate donati, in remp. Romanam ascriberentur. Huius pij instituti satis clara etiam hac nostra ætate extant indicia: quippe consuetudo adhuc tenetur, ut leges de eo sancitæ, in principio tabularum de manumissionibus scribantur. Atque hæ sunt leges à Constantino promulgatæ: qui quidem omnē curam & cogitationem ad Christianam religionem ornandam contulit.

*De eximis qui adhuc in vita mane-  
bant confessoribus.*

CAP. X.

**E**RAT PORRÒ HÆC RELIGIO' TUM SUA IPSIUS VI, TUM PROPTER virtutem eorum, qui id temporis eam excolebant, satis gloria. Nam cum alij multi boni Christiani tūc quidem vixere, tum quām plurimi confessores, persecutionis tempestatibus iam nuper sedatis, fuere superstites, ecclesiisque permultum ornamenti attulere: Vt Osius episcopus Cordubæ: vt Amphio Epiphaniæ, vrbis Ciliciæ episcopus: vt Maximus, qui post Macarium, Hierosolomitanam rexit ecclesiam: vt Paphnutius Aegyptius: per quem fertur Deum quām plurima edidisse miracula, profligasse dæmones, eiisque variorum morborum sanandorum facultatem dedisse. Iste Paphnutius, & Maximus ille, de quo dixi modò, erant ex illorum confessorum numero, quos tyranus Maximinus ad metalla, cum oculos eorum dextros effodisset, sinistrorumque pedum flexus eneruerat, condemnauit.

*De sancto Spiridione & eius mode  
stia & tranquillitate.*

CAP. XI.

B 4

Eisdem